

long kisim sampela extra doktas, tasol i hat long painim. Mipela i ken seivim planti laips, sapos igat nap dokta long helt senta na ol arapela hap bilong provins.

Ol kendidets bilong yumi oli gat wanem plan bilong bringim ol helt sevises na ol klin wara bilong dring igo long ol pipel?

BILONG PINISIM OL TOKTOK.

Dia ol brata na sistas, sapos yu laikim blesing, bel isi na gutpela laip bilong Lord Jisas, yu mas wok bihainim laik bilong em long olgeta rot wantaim politiks tu., Yu mas traim best bilong yu long mekim ol dispela eleksens igat honesti na trupela mining long ol. Olsem na:

- Yu mas putim neim bilong yu long eleksen pepa.
- Go long vot, tasol noken vot moa long wanpela taim, vot wanpela taim tasol. Sapos yu vot moa long wanpela taim, yu brukim lo bilong kantri na tu yu chitim o rongim raits bilong ol narapela na bagarapim honest eleksen.
- Noken alauim yu yet long ol i baim yu long votim man o meri, laik bilong yu ino stap long ol. Noken salim vot bilong yu long moni.
- Noken fosim ol memba bilong family bilong yu long votim kendidet yu gat laik long em.
- Na las, makim hones man na hones meri bilong makim yumi na lidim yumi go long bihain taim igat gutpela sindaun.

Ol trupela wok bilong yumi bai ol i usles sapos helpim bilong God ino stap. Yumi singautim Grasia bilong Holi Spirit igo antap long ol pipel bilong yumi, dispela grasia bilong Holi Spirit i save riniuim pis bilong plesdaun (*Ps 104:30*). Yumi askim Mama Maria, mama bilong Lord Jisas Krai, long helpim bilong em bai yumi selektim ol honest lidas yumi nidim.

+ Francesco Panfilo, SDB
Archbishop of Rabaul



CATHOLIC ARCHDIOCESE
OF RABAU

P.O. Box 357
KOKOPO, BNBP 613

Tel. 9829834

PASTORAL LETA 2

25th Januari 2012

“Vot Bilong Yu, Emi Pawa Bilong Yu”.

A. NEISENEL ELEKSENS 2012.

5-pela mun i stap yet, bai singaut igo long olgeta sitisen bilong Papua Niu Gini long makim ol politikel lida long makim ol, insait long Palamen Haus long narapela 5-pela yia gen. Neisenel eleksens, em i wanpela event i save bagarapim ol tingting bilong ol pipel, ino long politikel laip bilong kantri bilong yumi tasol, nogat, i save bagarapim tu laip bilong ol pipel long wanwan de yet. Emi wanpela vokesen o singaut tu bilong ol lei manmeri long senisim wol i kamap gutpela. Na dispela i ken kamap namel long kainkain wei na tu long trupela rot bilong vot.

Long ol dei na mun i kam, Karitas Rabaul, long wok bilong “*Diocesan Development Team*” bilong em bai i gohetim skul bilong helpim ol pipel long save na andastandim gut olgeta samting bilong Neisenel Eleksen. Program i stap pinis na dispela bai i helpim ol pipel bilong yumi long save gut long raits na dutis long trupela wei bilong vot. Limited preferential voting system, ol bai usim long nambatu taim gen long dispela taim bilong vot, olsem na i gat nid long helpim gut ol pipel bai ol i mas klia tru long ol nogut bilong em long taim bilong kaunim ol vots.

Long helpim Karitas Rabaul long dispela aweness kampein, mi laik givim

sampela gaidlains igo long ol Katolik bilip manmeri bilong Arsdaisis bilong Rabaul long gutpela na stretpela wei long votim, husat oli ting ol i gutpela kandidets long makim ol insait long Palimen na bai ol i wok hat long bringim ol gutpela senis insait long sosaiti bilong yumi bai gutpela sindaun i ken kamap.

Dispela kain wok, em i wok bilong opis bilong Bisop? Politik, em i stap bisines bilong gavaman na pablik sevis?

Tru tumas i no wok bilong mi o ol Pater na Relijis long givim yupela pinis bilong term ripot long ol wok kamap bilong ol lain husat i lidim yumi long las 5-pela yia igo pinis o long givim yupela sampela stori bilong ol kainkain pati na wok bilong ol long yupela long klaim tingting bilong yupela, bai yupela mas bihainim o makim husat kendidet long narpela 5-pela yia gen.

Tasol, bikos Sios yet i stap namel long dispela sosaiti, olsem na Sios i no inap stap longwe long ol kainkain ol pablik polisi. Em i mas tokaut na tok klia long ol pablik long wanwan dei bikos dispela ol isius i ken bagarapim stap na wokabaut bilong planti pipel. “Social doktrin bilong Sios, em i wanpela integral hap bilong wok Evangelaisesen ministri bilong em. Olgeta samting we i consenim ol man na meri, olsem jastis, fridom, developmen, bung wantaim bilong ol pipel na pis, em i stap insait long wok bilong Evangelaisesen. Wok bilong evangelaisesen bai i no inap pinis gut sapos wok bilong em i no soim trupela singaut i kam long Gospel” (*Compendium of the Social Doctrine of the Church, No. 66*).

Long dispela as tasol, mi olsem Wasman bilong ol lain sipsip, Lord yet i bin makim mi long lukautim, mi ting long pastorel diutis bilong mi, mi mas tokaut na kliarim long yupela ol pipel long sampela astingting na save long skulmak (qualification) bilong ol politikel kendidet. Na tu, yupela mas askim ol kendidet long tingting bilong ol long ol kainkain isius na programs na ol i mas mekim klia long tingting bilong yupela ol pipel bipo yupela i ken vot.

Dispela emi impotent long tupela risen:

Nambawan: Bikos long skulmak na sanap bilong ol kendidet long ol kainkain isius i ken soim long ol values na ol priorities bilong ol.

Nambatu: Bikos ol manmeri bilong vot i ken votim ol o nogat, long lukluk bilong ol long ol skulmak na lukluk bilong ol long ol impotent isius.

6. Emploimen – Holim Wok.

Wankain olsem kisim save long edukesen, man i nidim save bilong technical skills o save bilong holim wok. Yangpela genereisen bilong tude, ol yangpela man na meri i painim hat long holim wok. Nogat wok, emi wanpela “trupela sosel problem” (*John Pol II, Laberen Exercens, 18*). Planti taim yumi save tok ol yangpela bilong tude, ol i strong bilong kantri long bihain taim. Tasol stap bilong ol tude i olsem wanem? Wanem ol kain senis yumi givim ol nau? Long olgeta yia, igat bikpela namba bilong ol graid 8, 10 na 12 ol i lusim skul na ol i no moa stap long edukesen system na ol gat liklik sans tasol long holim wok. Long yia 2000 census over long hap bilong ol i no gat wok, krismas bilong ol i stap long 15 - 24 yia (*Nesenel Statiskal Office – 2000 National Census – page 49*).

Pastaim long eleksen, ol kandidets bilong holim opis ol i noken mekim ol promis bilong kamapim ol wok tasol. Oli mas tokim yumi long wanem kain rot bai igat emploimen na sans bilong holim wok?

7. Sosel Sevises na Helt.

Long East New Britain, igat wanpela bikpela Haus Sik tasol, em long Nonga. St. Mary’s Hospital long Vunapope oli tritrim olsem Helt Senta. Igat sampela maintenens na impruvmen long St. Mary’s Vunapope long moni i kam long PNG Incentive Fund. Long ol impruvmen wok, igat gutpela domatori bilong ol single meri. Bai igat moa wok impruvmen sapos igat helpim I kam long AUS AIDS bilong helpim St. Mary’s Nosing Skul. Bikpela amamas na Tok Tenkyu igo long ol man i wok hat bilong impruvim ples.

Bikpela namba bilong ol pipel i stap long Gazelle Peninsula, oli ken kisim helt sevises long dispela haus sik. Igat ol narapela Helt Senta tu oli nidim impruvimen. Long Pomio District ol helt sevises i stap long han bilong ol neses igat bikpela laik na interes bilong mekim wok. Ol komuniti Helt wok man i putim bikpela wok helpim long ol Helt Sevises bilong Pomio District. Tasol ol neses wantaim komuniti Helt Wokman ino inap kisim ples bilong dokta.

Long ol helt senta bilong Pomio, sapos sikman i nidim helpim bilong dokta, emi mas kam long Vunapope o Nonga bilong kisim tritmen. Na dispela i hat tru bikos long ol hevi olsem moni bilong travel, kos bilong hausik na kaikai, taim nogut long sampela taim bilong yia. I nogat dokta ausait long Rabaul eria. Ol dokta bilong St. Marys Vunapope oli ino nap. Mipela i traिम pinis

samting i stret long tingting bilong ol na bai igat improvmen long sait bilong ol.

5. Edukesen.

Sapos i nogat gutpela edukesen baimbai kantri ino nap kamap gut. Astingting bilong edukesen em bilong developim man bai man i pulap tru long olgeta kain save na gutpela pasin bilong laip. Baimbai ol nupela genereisens i luksave long ol diutis bilong ol yet, olsem ol sitisens bilong kantri, bai oli fit tru bilong mekim wok bilong development bilong kantri. Edukesen i mas pas tru wantaim ol pipel. Tasol sori tru, dispela ino kamap olsem, bikos long sampela risens: Ol papamama i sot long moni. i gat toktok i kamap bilong mekim s taxpela nesenel hai skuls plas tupela moa nesenel hai skul bai oli kamap olsem ol “*skul bilong exelens*”.

Katolik Sios i lukim dispela tingting bilong “skul bilong exelens” olsem ino gutpela tumas bikos long sampela astingting hia:

- Komuniti bai i brukbruk igo long wanwan liklik grup na bai ino fitim PNG Sosaiti. PNG Sosaiti bai i nogat uniti long en.
- Pasin bilong ino laikim ol narapela pipel bilong PNG bai i kirap. Na dispela nogut plen bai i bagarapim ol skul i stap aninit long lukaut bilong ol Sios. Edukesen system bilong PNG nau bai ino nap kamap gut tumas.
- Sapos igat tupela kain edukesen system, sampela sumatin bai oli nogat sans bilong go long haia edukesen. Ol save na standed bilong ol misin skuls bai i senis bikos ol tisa oli gat gutpela save, lidasip na experiens bai oli go long ol nesenel Hai Skul i stap aninit long nupela system.

Katolik Sios i gat bilip olsem PNG edukesen system bilong nau i no nidim ‘skul bilong exelens’. Ating long ten o tuelf yia bihain bai i orait., Nau long dispela taim igat nid bilong improvim standed bilong inglis, matemetiks na sains oli mas tisim ol long olgeta hai skul long PNG. Long dispela tasol na level bilong save I pundaun.

Wanem kain tingitng bilong ol kendidets long ‘fri’ edukesen? Wanem kain helpim o luksave bai ol kendidets i givim long ol perens na pikinini ol ino nap mitim pe bilong skul? Wanem kain tingting bilong ol long “school of excellence”? Wanem kain rot bai oli helpim ol tisas oli tis long ol skuls i stap long ol ples igat hevi long ol?

Olsem na mi Wasman bilong yupela, mi laik toksave long yupela long ol dispela astingting i bihainim Gospel bilong Jisas Kraus (*Mt 24:45–51; 25:14–30; Mk10:35–45; Jn13:1–17*) long helpim yupela long luksave gut na makim husat kendidet yupela i laikim long makim yupela. Mi laik mekim klia long yupela olsem em ino pastoral diuti bilong ol pastors bilong yupela - ol Bisop na Pris - long givim yupela ol nem bilong ol lain yupela inap long votim; nogat! Yupela yet bai i makim ol long save bilong yupela. **Olsem ol pastor bilong yupela, mipela inap tasol long givim yupela advais long husat ol kendidet yupela i mas votim. Mipela ino inap tokim yupela long husat kandidate yupela i mas votim.**

Vot bilong yu, emi pawa bilong yu! Yupela yet i owim long ol familis bilong yupela na moa yet antap long em, ol pikinini bilong yupela, husat bai i stap long kisim hevi sapos yupela ino makim gutpela lida. Benedict XVII, long dispela yia long message bilong em i go long World Day of Peace “*Eduketim ol Yanpela long Jastis na Pis*” i tok olsem, emi singaut na wok bilong ol dispela lain husat i laik holim wok long pablik opis na long wok bilong kamapim ol institusens, lo na gutpela ples long stap na wok long em, dispela i ken givim na helpim ol lain bilong bihain taim bai oli gat gutpela luksave long ol yet (gutpela wok, edukesen etc.) na long kamapim pasin bilong luksave olsem brata na susa na soim tru dispela laikim pasin bikos dispela i bringim daunpasin na bel isi igo long olgeta manmeri.

B. QUALIFIKESAN BILONG OL GUTPELA POLITIKEL LIDA

Long nambawan buk bilong ol Kings yumi ritim olsem God i bin invaitim yangpela King Solomon, husat i senisim papa bilong em long sia king bilong em, na i mekim wanpela askim. Em i askim God long givim em, **Hat bilong Harim Tok**, olsem na em i ken go pas long lidim ol pipel bilong God na tu long luksave long ol samting i gutpela na ol samting i nogut. Na God i hamamas long askim bilong Solomon long givim em gutpela na stretpela tingting long helpim em bai go pas na lukaut gut long stretpela wei na i no long gutpela bilong em yet long kisim gutpela laip, moni o long wok bilong pait na daunim ol birua bilong em (*cf. 1Kg 3: 9*).

“Long dispela stori, Baibel i laik tokim yumi, long wanem samting i bikpela tru long laip bilong ol politisen. Long astingting na tok klia bilong em long wok bilong em olsem wanpela politisen, i no mas win long baim ol vot long mani samting long ol manmeri. Politik mas wok hat long bringim Jastis na

mas wok long kirapim ol gutpela rot bilong kamapim gutpela sindaun bilong ol pipel. Tru tumas planti taim ol politisens i save sanap long eleksen long gutpela bilong ol yet na oli no save tingim tumas ol pipel husat oli givim vot long ol long makim ol. Taim ol politisiens i win, ol i mas soim daun pasin na stap kundar tru bilong ol pipel husat ol i bin makim ol na mekim ol wok we i kamapim gutpela long laip bilong ol pipel na ol pipel i ken klia long ol wok ol i mekim gut” (*Benedict XVI to the German Parliament, 22nd September 2011*).

I gutpela tru sapos ol dispela lain manmeri husat i gat laik long sanap na makim wanpela politikel opis, mas pre long askim God bilong marmari bai i givim ol “**Hat bilong Harim Tok**” na strong bilong luksave namel long gutpela na nogut na kamapim trupela lo long kamapim jastis na pis na ol I mas tingim olsem ol pipel ino bilong ol, tasol, ol i bilong God.

Dispela tingting i mas i stap nambawan tru, olsem na yumi mas votim ol trupela na rait pipel long holim ol opis. Tasol husat ol dispela rait manmeri long votim ol? Olgeta wok bilong gavaman i kamap long han bilong God tasol, na olgeta gavaman i stap, em God yet i putim ol na ol i stap (*Rom 13:1*).

Long makim ol lidas insait long politikel komuniti, sampela i save tingting long lukluk pastaim long ol astingting na ol programs bilong ol kainkain politikel patis. Lukluk bek igo long 2002 Mekere Marauta long ranim campein bilong em, na mekim promis long ”fri edukesen”, na tu long dispela taim, Neisenel Alaiens bilong Sir Michael Somare i tok daunim dispela aidia bilong fri edukesen. Em tasol em i astingting. Long lukluk gut moa yu ken luksave tru olsem inogat narapela kain wei long ol astingting (platform) na programs bilong ol kainkain patis bikos olgeta i stap klostu wankain tasol. Olsem na igat nid long lukluk gut tru long ol save na qualiti long ol lain husat i laik sanap olsem memba long makim yumi.

1. Lida i mas gat gutpela save, gutpela helt, gutpela pasin, inap holim wok, i gat lidasip qualities, experience, na i honest (Competence)

Wanpela bikpela nesarari samting ol kandidat i mas gat em long skills na save long mekim wok na kamapim ol gutpela samting. Dispela samting oli kolim long Inglis, kompetens igo wantaim long opis emi laik sanap na makim ol pipel long em. Ol kandidat inap long mekim gut ol diutis bilong ol long opis em sanap na makim? Husat yumi makim, em i mas gat gutpela long sait bilong physikel helt, strongpela na gutpela tingting na tu emi man

mas tok orait long em. Bihain oli toktok strong long yumi mas bihainim tingting bilong ol na tok orait long ol long usim kondom long seivim ol memba insait long Sios bilong yumi na tu wantaim ol arapela Kristen manmeri husat i laik usim nating bodi bilong ol bipo ol i marit. Dispela, tingting i ken kamap tru, tasol tru tumas em i no laik na skul bilong Jisas husat i gat bikpela laik long ol yanpela pipel na i gat bikpela ruru long ol (*Hugh Slattery, msc*).

Ol kenideit i gat wanem toktok long stopim HIV/AIDS? Ol i gat wanem kain plen bilong halpim ol sikman bilong HIV/AIDS? Ol kenideits i nap tu long halpim ol Sios long moni bai i gat ol materiels bilong givim skul na ol program bilong tambuim pasin pamuk? Ol i nap tu long givim sampela halpim bilong redim ol program bilong kamap faitful long marit?

4. Lukautim Gut ol Neitural Risoses.

Sapos igat gutpela gavaman bai i gat hones advais long usim risoses bilong yumi. God i givim ol naturel risoses long olgeta genereisens na ol i mas mekim gutpela wok kamap long ol bai olgeta man meri i kisim benefit long ol. Ol pipel bilong yumi, ol i gat rait long yusim gut ol risoses bilong ol na serim ol wantaim ol narapela. Ol pipel i expektim gutpela teknologi plan bai i gat gutpela us na gutpela lukaut long ol risoses.

Igat sampela wari long ol naturel risoses. Igat sampela nogut wok kamap long ol risoses na i nogat trupela benefit i kam long ol pipel bilong East New Britain. Ol pipel i tokim mi olsem ino save gat ol gutpela agrimen long ol plen bilong tilim moni na developim plen bilong ol sosel sevises insait long ol risoses bilong oil, fising, logging na maining.

Sios i nogat komplein long usim ol risos sapos igat jastis long ol developmen plan. Na tu Sios i nogat komplein long ol profit sapos oli kamapim na igat benefit igo long Papa bilong ol risoses na ino ol gridi kampani tasol. Na tu olgeta, profit bilong ol kampani i noken kamaut long tuhat bilong ol rabis manmeri.

Ol kendidets bilong politikel opis i mas tokaut klia long wanem samting oli laik mekim bilong protektim ol naturel risoses bilong provins bilong yumi. Oli mas kliaim yumi long wanem kain rot bai oli kamapim “Memorandum of Understanding” (MOU) – bai papa bilong ol risoses na kampani bai oli sainim na bihainim, oli mas soim respekt long dispela agrimen. Sapos igat gutpela areinsimen long dispela, ol pipel bilong yumi oli kisim wanem

bilong stap fri, kisim skul long kamap save man o meri na skulim ol pikinini long save long wanem samting i gutpela na wanem samting ino gutpela. Planti taim yumi save harim long ol politisiens bilong yumi olsem, namba bilong ol manmeri i wok long gro hariap na dispela i wok long slowim o bagarapim wok bilong givim ol sevises bilong Gavaman igo long ol pipel. Emi tru olsem namba bilong ol pipel insait long kantri i wok long gro hariap na long givim ol sevises i kam bihain, tasol ol politikel lida i mas tokim yumi bilong wanem na Gavamen ino inap long givim planti gutpela sevises, taim yumi olgeta i bilip olsem, kantri bilong yumi igat planti ol risoses istap antap long graun na tu aninit long graun na long solwara inap long lukautim na fidim na sapotim moa long 100 milien pipel. Sapos ol risoses bilong PNG i planti em i nap long givim planti kaikai tru na bai inap tru long olgeta pipel i kam kisim kaikai. Bilong wanem ol i mas rausim sampela long daunim namba long ol pipel husat i laik long kam long tebol bilong kaikai?

Long wanem hap tru ol kandidets i sanap na tokaut long pablik long ol isius, olsem long marit laip, lusim man o meri (divorce), maritim moa long wanpela man o meri (polygamy), man i marit long man yet o meri i marit long meri yet (same-sex), long sindaun bilong meri na pikinini, pait na kros insait long family, na long lo bilong kontrolim namba bilong ol pipel ino mas go antap tumas?

Dispela ol kandidets i tokaut tu long kamapim bai i nogat tax na sampela moni bilong kisim bek (rebate) na tu long nogat skul fi diskaun long ol famili namba i stap antap long tupela pikinini long kipim sais bilong famili i go daun?.

3. Wok bilong stopim na kia long sik HIV/AIDS

Long wok bilong HIV/AIDS, Katolik Sios i wok na bai i gohet yet long wok bilong traim na stopim sik AIDS long i no ken go moa bikpela. Tasol Sios i bihainim narapela rot, we emi save strongim ol pipel, spesiali long ol yangpela, no ken mekim pasin pamuk bipo long marit bilong ol na tu i mas stap trupela long marit bilong ol.

Sampela, husat i save toktok long Katolik Sios, insait long wol bilong tude olsem, em i stap longwe wantaim ol pipel, spesiali wantaim ol yangpela pipel long sait bilong hamamas bilong bodi. Oli luksave long olgeta de, ol yangpela i save kamapim pasin pamuk taim ol i stap yangpela yet long Christmas bilong ol. Dispela samting i tru na mas stap long luksave na yumi

o meri bilong sanap strong long kainkain hevi bilong wok i kamap long opis em i holim? Narapela tingting tu, i olsem, yumi skelim gut ol kendidet sapos ol i inap mekim gut dispela wok, sapos yumi i elektim ol?

Wanpela bikpela elemen bilong dispela kompetensi, em long qualiti bilong kendidet yumi kolim, “lidasip”. Yumi nidim ol opisels husat ol pipel ol i ken lukluk long ol long strongim na helpim ol bai i stap bung gut na wok wantaim long gutpela bilong ol. Lidasip ino wankain olsem yu gat namba na luksave, olsem na ol pipel i ken bihainim switpela na naispela tok bilong yu. Narapela samting tu em long tok gris bilong ol i ken bagarapim tingting bilong ol pipel long bihainim ol. Lidasip em i olsem wanpela rot long sevim o givim sevis igo long ol pipel na bringim na bungim ol wantaim na wok wantaim ol long mekim ol gutpela wok, olsem na oli ken kamapim ol gutpela samting bilong bihain taim, maski ol kainkain hevi na wari i laik kam long rot bilong ol. Gutpela save na skils bilong ol kendidet, em yumi ken luksave o skelim long qualiti oli gat na moa yet long ol wok kamap bilong ol insait long komuniti oli stap long em. Pasin bilong wanpela man o meri i wok long sevim ol pipel pinis, em ol sampela mak pinis long yu long skelim gut save bilong wok bai kendidet i mekim na ino long ol bikpela pepa bilong skul em i holim. Mekim wok- kamap, em i no olsem promis na pipel i mas save gut olsem ol dispela samting em ol tes o traim long luksave gut long save na skils ol i gat.

2. Trupela na Strepela Pasin: (Personal Integrity).

Nambatu samting o mak bilong save ol wanwan kendidet i mas gat, em long qualiti long stap honest, mekim ol toktok i mas stap namel, na stap gutpela long ai bilong ol pipel. Kendidet i no mas soim save bilong em, em inap long mekim ol wok. Ol tu i mas soim pasin bilong i stap gutpela Kristen, stap aninit long God na laikim em na luksave long wanem samting i stret na wanem samting i no stret. Na strepela pasin i min, nambawan tingting em ol i mas givim ol olgeta na stap kundar tru na luksave long ol pipel long raits na fridom bilong ol arapela na long stap honest long holim gut ol wok bilong lukautim gut ol naturel risoses bilong ol provins na tu moni bilong ol pipel we, ol i makim. Strepela pasin em i min tu, ol i mas stap tru na holim stret ol samting we, i no ken givim hevi i go long laip bilong narapela.

Ol politikel lida bilong yumi mas tok tru long olgeta taim. Long sampela mun igo pinis, long floa bilong Palimen, planti ol tok kros o tok pait namel long tupela lain grup memba bilong Palimen, na ol i tromoi ol kainkain tok

yumi harim na pipel ino klia tumas husat tru, i wok long tok tru na husat tru i wok long giaman.

Persinel integriti I min tu olsem, taim ol lidas i mekim pasin slek na sin insait long ol pablik opis, yumi gat rait long expektim ol long soim na kama-pim trupela na stretpela wok, i soim gutpela na stretpela pasin, stap strong long taim bilong hevi na mekim sakrifais long ol samting yumi laikim tumas (so-called cardinal virtues).

3. Givim yu yet long gutpela bilong narapela (Comittment to the Common Good)

Nambatri samting emi bikpela long sait bilong qualiti, yumi mas lukluk gut long ol kandidets husat i laik holim pablik opis, sapos ol i fit tru long givim ol yet long ol pipel na mekim kamap ol gutpela wok we i ken helpim gut sindaun bilong ol pipel long ol kainkain sevis ol i nidim.

Long gutpela sindaun bilong ol pipel, emi klia olsem yumi mas andastandim olgeta samting bilong sosiel kondisiens, “we i helpim ol pipel i stap long ol grups o i stap wan wan long kisim olgeta samting oli laikim long we em i isi” (*GS 26, 2*). “Gutpela sindaun bilong ol pipel i sanap long tripela astingting: Respekt na rot long promotim ol as tru bilong raits bilong wanwan manmeri, stap gutpela na gohet long ol wok o developim spiritual na phisikel wok bilong ol ples, pis na wok lukaut long ol manmeri bilong ples” (*CCC 1925*).

Yumi mas elektim man o meri husat i ken mekim wok igo moa yet na ino long em yet na interes bilong famili bilong em tasol. Em i mas redi long karim pen o hevi long gutpela bilong ol pipel. Ol korapt man o meri o husat ol man o meri i gat ol kriminel rekods, ol i nogat kain komitmen olsem. Wankain tasol long ol politisiens husat wok bilong ol i bihainim tasol ol samting i isi na fri long ol, o oli gat laik long kamapim na mekim ol samting we i ken givim biknem long ol, maski dispela samting i rait o i rong. Long gutpela bilong ol pipel yumi gat nid long ol kandidets bilong holim ol pablik opis, ol i mas i gat bikpela luksave na ol i mas holimpas oltaim konstitusen (mama lo) bilong dispela kantri. Wanem samting i bin kamap, bihain long disisen bilong Suprim Kot long las Desemba 2011, i kamapim wanpela bikpela asua i bin kamap namel long ol memba bilong Palimen. Long dispela suprim kot kes, em long kontitiusen na ino long ol numba long Parlimen, bai oli tokaut long wanem samting i rait na wanem samting i rong.

C. IMPOTENT ISIUS.

Long taim bilong politikel kempein, bai yumi harim planti moa tok promises bai kam long ol kandidets long wok bilong bringim ol sevises, olsem givim moni long mekim bai sindaun bilong yumi i kamap gutpela, na kama-pim ol gutpela rot bilong yumi long usim na tu ol gutpela wei bilong komunikesen na ol arapela samting moa.

Yupela ol votas i mas skelim na lukluk gut tru long ol toktok na ol pasin bilong ol kandidets. Ol mas tok stret na tru long wanem samting ol i promis na ino switpela tok bilong kampein tasol.

Long wankain taim emi impotent tru long ol votas long painimaut na save gut long ol kandidets. Espesiali long husat i ron long resis long kamap long parlimen long sanap bilong ol long ol kainkain isius we Sios I toktok strong long ol. Namel long ol dispela, sampela ol dispela samting i wok long soim klia tede:

1. Laip bilong ol manmeri (Human Life).

Laip bilong man, emi gift o presen bilong God Papa. Bikpela singaut o diuti bilong yumi olsem ol Kristen, yumi mas lukaut gut long ol dispela presen bilong God.

Ol dispela samting i mas stap long lukaut na kia bilong olgeta na ino wok bilong ol relijes tasol, nogat, em tu i wok bilong politikel lidas. Olsem na dispela samting i bikpela na i mas stap oltaim, bikpela na nambawan tru, bikos dispela laip, em I laip bilong God i givim long yumi na em tasol i bosim dispela laip na i ken tekwei dispela laip long yumi long gutpela laik bilong em tasol.

Wanem bikpela tingting bilong yumi ol pipel long ol kandidat long sait bilong isius bilong abosen, kainkain sik we i nogat marasin inap long oraitim ol dispela sik, na tu long kain kain save na wok bilong kamapim man we ino bihainim stretpela rot bilong man na moa yet long kilim man i dai, capital panismen, etc?

2. Famili laip na namba bilong ol pipel (Family & Population issues)

Long sait bilong gutpela sindaun bilong ol pipel, yumi mas was na lukaut long famili laip. Long sait bilong Katolik i olsem, famili em i as tru bilong Sios (domestic church) na em trupela ples long lukautim na kamapim pasin